



Felix Martyr cum sorore Regula ex Thebana Regione fuerunt, quæ ad Agaunum iussu Maximiani Cæsaris, cum idolis sacrificare nollent, tota ferè extirpata erat. Cum itaq; is cum sorore euasisset per Claronensem tractum iuxta Turegum ad fluvium Limagum peruenerunt, atque ueram Christi doctrinam confelsi sunt, Anno Christi 306. Erat autè eo tempore Decius eius loci Romanorum præfectus, qui in castro Thurico residebat. Quã primũ is eorũ aduētũ cognouit, ex Imperatorũ Diocletiani & Maximiani (qui ecclesiã Christi acerrimè persequebantur) sententiã, eos in carcerem coniecit, & uarijs

tormentis adigere uoluit, ut gentium Dñs sacrificarent. Cum autem illi constanter in cœpta semel religione perseuerarent, atq; multos homines ad Christi doctrinam inuitarent, capite truncati sunt: quam pœnam etiam constanti animo pertulerunt, atq; à pijs quibusdam hominibus ibidem sepulti fuerunt. Clodoueus, Dagobertus, & Carolus Francorum reges postea in horum martyrum honorem Tiguri celebrem ædem fundarunt, atque multis priuilegijs & bonis ornarunt, ut martyrum memores, quoque eorum exemplo magna patientiã & uera fide in cruce perseueraremus. Floreuius. Ioan. Stumpffius Tom. 2. libro 6.